



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

406. De eadem re.

**urn:nbn:de:hbz:466:1-14622**

vult, secundum legem mundanam in Ecclesia absolvi debent, & ejusdem Ecclesiae patrocini-  
nio commendari. Scriptum quippe est in Pacto Francorum.

De eadem re. *Ex Pacto.*

CCCCV. Hoc etiam volumus, ut quilibet Francus Ribuarus servum suum pro remedio animae suae secundum legem Romanam liberum facere voluerit, ut in Ecclesia coram Presbyteris, Diaconibus, seu cuncto clero & plebe in manu Episcopi servum cum tabulis tradat, & Episcopus Archidiacono jubeat ut ei tabulas secundum legem Romanam, \* qua Ecclesiae vivunt, scribere faciat, & tam ipse quam & omnis procreatio ejus liberi permaneant, & sub tuitione Ecclesiae consistant, & omnem redditum status sui ad Ecclesiam persolvant, & non alibi nisi ad Ecclesiam ubi relaxati sunt mallum teneant. Et si absque liberis discesserint, nullum alium nisi Ecclesiam relinquunt heredem.

Cap. 58. Legis Ripuarior.

\* Edit. Helmsford. quae in Ecclesia viget.

De eadem re. *Ex Lege Romana.*

CCCCVI. Imperator Constantinus Augustus Osio Episcopo Cordubensi. Qui manumittendi in sacrosancta Ecclesia habuerit voluntatem, tantum est ut sub praesentia sacerdotum servos suos voluerit absolvere, non verit eos suscepta libertate cives esse Romanos. Nam si Clerici mancipiis suis dare voluerint libertatem, etiamsi extra conspectum fecerint sacerdotum, vel sine scriptura verbis tantum fuerint absoluti, manebit, sicut civi-

Interprer. l. 1. Cod. Theodos. de manumiss. in Ecclesia.

186 REGINONIS LIB. I.  
bus Romanis, integra & plena libertas.

Quòd carta libertatis in ambone sit legenda.  
*Ex Concilio Triburiensi.*

Burchard. lib.  
2. c. 21.

CCCCVII. Ut nulli de servili conditione ad sacros ordines promoveantur, nisi prius à dominis propriis libertatem legitimam consequantur; cuius libertatis carta ante ordinationem in ambone publicè legatur; & si nullus contradixerit, rite consecrabitur. Porrò si de gradu deciderit, ejus sit conditionis cuius fuerat ante gradum.

*Caput istud non extat in vulgatis editionibus Concilij Triburiensis. Extat autem etiam apud Burchardum & in veteri collectione canonum MS. in bibliotheca regia. Postrema porrò illius pars, quæ mutila est apud Reginonem, sic supplenda est ex Burchardo & veteri illa collectione. Porrò servus non canonicè consecratus, postquam de gradu ceciderit, ejus sit conditionis cuius fuerat ante gradum.*

De ordinatione. *Ex Concilio Neocæsariensi.*

Concil. Neocæsar. c. 11.  
Lib. 1. Capitular. c. 50.  
Burchard. lib.  
2. c. 10.

CCCCVIII. Presbyter ante trigésimum ætatis suæ annum nullatenus ordinetur, licèt valde sit dignus, sed hoc tempus observetur. Nam Dominus noster trigésimo ætatis anno baptizatus est.

De Diaconibus. *Ex Concilio Carthaginiensi.*

Concil. Carthag. 3. c. 4.

CCCCIX. Item placuit ut ante xxv. ann.